

14.12.2016.



Organizacija OXFAM zajedno sa svojim partnerima u Goraždu pokreće Pilot Start-up program namijenjen mladima koji žele započeti svoj biznis. Cilj je okupiti sve aktere iz Goražda koji se bave pitanjem zapošljavanja, biznisa, poduzetništva i poduzetnicke infrastrukture kako bi se testirao model svobuhvatne podrške mladim poduzetnicima. Takav model je još uvijek dostupan samo u najvećim gradovima BiH. Sveobuhvatna podrška podrazumijeva obuku, novac i mentoring.



Trenutno, program je osmišljen tako da okupi mlade ljude koji žele započeti biznis i pruži im poduzetničku obuku (obuka) a najmanje jednoj osobi dodjeli grant u max. iznosu od 5.000,00 KM (novac) za započinjanje biznisa te tokom prvih mjeseci poslovanja i mentoring (mentorstvo).

Tim povodom danas je upriličeno svečano potpisivanje Memoranduma o saradnji na

pomenutom projektu, a potpisnici Memorandum su Udruženje za lokalne razvojne inicijative ALDI, Općina Goražde, Ministarstvo privrede BPK-a Goražde, JU Služba za zapošljavanje BPK-a, Privredna komora BPK-a Goražde, Obrtnička komora BPK-a Goražde, Udruženje poslodavaca BPK-a Goražde i OXFAM ured u BiH.

Nakon potpisivanja Memoranduma uskoro slijedi objava Javnog poziva kazao je Elvir Prašo PR Udruženja za lokalne razvojne inicijative ALDI: "Riječ je o potpisivanju Memoranduma o saradnji, osam je potpisnika, dakle partnera na realizaciji ovog pilot Start up programa koji ima za cilj da razvije sveobuhvatnu podršku razvoju start up programa biznisa na području našeg Kantona, razvoj poduzetničkih ideja sa fokusom na uočene prilike koji ima za cilj dalju registraciju tog Biznisa. Koordinirajuća uloga ALDI-ja ogleda se u tome da pomogne u pokretanju tih biznisa, da objavi Javni poziv. Javni poziv će biti objavljen već sutra i trajat će dvije sedmice od 15.-30- decembra. Ciljna grupa su mlade osobe sa područja BPK-a Goražde od 15-35 godina, dakle ne nužno nezaposlene osobe već osobe koje imaju poduzetničku ideju i namjeru da se bave poduzetništvom. Nakon okončanja poziva planira se formirati Komisija koja će odabrati kandidata za implementaciju tog start up programa. Važno je napomenuti da je iznos sredstava 15 hiljada KM odnosno projekat finansiraju sa po 5 hiljada KM Ministarstvo privrede BPK-a Goražde, Općina Goražde i OXFAM. Kandidati koji se prijave na javni poziv otprilike trebaju da imaju poduzetničku ideju, ideju koja ima svoju budućnost, koja ima priliku da uspije. Komisija će ocijeniti svaku od tih prijava kao i budućnost te ideje. Ne znamo koliko će tačno biti finansirano ideja. Želimo se koncentrisati na kvalitet, a ne na kvantitet".



Općina Goražde uvijek podržava projekte koji za cilj imaju nova zapošljavanja kazao je Načelnik Općine Goražde dr.sci.Muhamed Ramović: "Prije svega izuzetno smo sretni što ova zgrada Biznis centra ima svoju funkciju. Svaki dan ovdje su neka dešavanja. U prizemlju već danas imamo edukaciju naših poljoprivrednih proizvođača. A danas smo upriličili i svečanost povodom potpisivanja ovog Sporazuma koji ima za cilj svakako edukaciju mladih ljudi i pomoć pri njihovom zapošljavanju sa srednjim i malim preduzećima. Znamo da još uvijek u Goraždu imamo potrebu za zapošljavanjem, da imamo mladih koji su na Birou. Općina Goražde podržava te projekte i ubuduće će biti na raspolaganju i privrednicima i Ministarstvu privrede i

Zavodu za zapošljavanje i svima koji rade na ovom polju.”

Vrlo je bitno da ovaj projekat podržavaju i lokalni stejkholderi istakao je Stefano Baldini predstavnik Oxfama: “Obzirom da smo imali mali Budžet na raspolaganju zahvaljujući našem donatoru Intesa Sanpaolo fondaciji naše prvo očekivanje bilo je da u ovaj projekat uključimo i lokalne stejkholdere. Ali je bilo bitno da se u ovaj projekat, osim da sefinansijski uključe, a to se odnosi na Općinu i Vladu Kantona, isto tako i tehnički da se podrži ovaj projekat što će doći od strane pružaoca usluga iz Biznis centra. Drugo očekivanje je da će se mladima prije svega a i ženama pruži prilika da ostvare svoje snove, da započnu život, da pronađu svoje zaposlenje i da na taj način razviju svoju zemlju. Pravi motar pokretač razvoja u svim zemljama jeste kada se investira u mlade ljude.”

Veoma smo zainteresovani za ovakve projekte kazao je ministar privrede BPK-a Goražde Meho Mašala” Mi smo od početka uključeni u ovaj projekat zajedno sa OXFAM-om i Općinom Goražde. Mi smo podržali ovaj projekat kako finansijski, ali stojimo na raspolaganju i kadrovski da bi se ti projekti razvijali. Jako nam je interesantno da od početka pratimo ovaj projekat, govorimo o mladima koji imaju ideje, ali nemaju novca da ih realizuju. Mi želimo da im se pomogne na ovaj način, te da im se pomogne da osmisle svoj biznis plan.”

GALERIJA {gallery}potpisiv_start_up_14_12_2016{/gallery}